

# Usah diperalat

Oleh Rosniza Mohd Taha  
roniza@bh.com.my

► Kuala Lumpur

Pelajar institusi pengajian tinggi (IPT) perlu bersikap rasional dan bijak memanfaatkan kebebasan menyertai parti politik di luar kampus bagi mengelak diperalat untuk kepentingan agenda peribadi pihak tertentu.


Ketua Kluster Politik, Keselamatan dan Hal Ehwal Antarabangsa, Majlis Profesor Negara (MPN), Prof Datuk Dr Mohamed Mustafa Ishak, berkata mereka harus memastikan benar-benar memahami

»Pelajar IPT perlu guna saluran matang, intelektual kemuka idea tangani isu

mi isu dan objektif sebenar aktiviti anjuran parti politik sebelum menyertainya.

Beliau memberi contoh perhimpunan haram ketika sambutan Ambang Tahun Baharu 2014 di ibu negara, baru-baru ini, yang dilihat jelas didorong kepentingan politik berbanding memperjuang isu kenaikan harga barang yang dicanangkan.

Dalam konteks ini, katanya, pelajar boleh memainkan peranan melalui saluran lebih matang dan intelektual, termasuk menerusi sesi dialog dan forum yang dapat mencadangkan idea berasas untuk menjadi sebahagian dasar kerajaan bagi menangani isu kos sara hidup.



Dr Mohamed Mustafa Ishak

# Nafi hak orang awam

► Dari muka 1

"Sesi perbincangan dan mengumpulkan idea menerusi forum dan dialog lebih intelektual daripada terpekik terlолong menyertai demonstrasi jalan sehingga menafikan hak orang awam menikmati sambutan tahun baru dengan tenteram," katanya.

Akbar sebelum ini melaporkan sambutan Ambang Tahun Baharu 2014 di Dataran Merdeka terpaksa dihentikan pada jam 11.30 malam, selepas peserta perhimpunan haram bertindak ganas, termasuk merempuh sekatan pihak berkuasa.

Perhimpunan itu yang disertai beberapa pemimpin

pembangkang, mengganggu acara sambutan selepas merempuh kawalan pasukan keselamatan terdiri daripada polis dan penguat kuasa Dewan Bandaraya Kuala Lumpur (DBKL).

Menteri Dalam Negeri, Datuk Seri Dr Ahmad Zahid Hamidi, dilaporkan sebagai berkata kekacauan itu dida-langi beberapa individu dan pertubuhan bukan kerajaan (NGO) propembangkang.

Mohamed Mustafa yang juga Naib Canselor Universiti Utara Malaysia (UUM) berkata, IPT boleh mengenakan proses tindakan tatatertib terhadap pelajar menyertai perhimpunan haram seumpama itu kerana mencemar nama baik universiti.

## Sedang duduki peperiksaan

Beliau berkata, tindakan tatatertib terbabit bermula dengan amaran, denda penangguhan pengajian semester sehingga penyingkir, bergantung kepada tahap kesalahan.

"Saya tidak pasti jika ada pelajar UUM terbabit (perhimpunan haram itu), tiada laporan setakat ini. Pelajar UUM sedang menduduki peperiksaan, mungkin mereka tidak terbabit," kata-

Sementara itu, Naib Canselor Universiti Putra Malaysia (UPM), Prof Datuk Dr Mohd Fauzi Ramlan, berkata mahasiswa yang disabitkan kesalahan menyertai perhim-



Dr Mohd Fauzi Ramlan

punan haram itu dan dipenjarakan, boleh dilucut status pelajar.

Dalam pada itu, beliau berkata, tindakan atas kesalahan merosakkan harta benda awam dan menggugat keamanan awam melalui perhimpunan haram itu adalah di bawah bidang kuasa polis.

## Saluran cerminkan kesarjanaan

"Seksyen 15 Akta Universiti dan Kolej Universiti (AUKU)

membenarkan pelajar menyertai parti politik di luar kampus. Namun, mereka harus bijak menggunakan kebebasan itu bagi menge-lak diperalat pihak tertentu untuk kepentingan peribadi atau politik.

"UPM mengambil serius kecenderungan pelajar terbabit dalam aktiviti seumpama itu (perhimpunan haram), malah sudah mengeluarkan notis amaran menghalang mahasiswa menyertainya. Setakat ini, tiada laporan rasmi mengatakan pelajar UPM terbabit," katanya.

Beliau sekali gus menasihati pelajar menggunakan saluran yang mencerminkan kesarjanaan, termasuk menerusi Majlis Perundingan Pelajar Kebangsaan, supaya idea dan pendapat mereka dapat diketengahkan kepada kerajaan.